



SAKSGANG

Utval	Møtedato	Saknr
Kommunestyret	28.08.2017	048/17

Saksbehandlar	Arkiv:	Journalpostnr.
Joakimsen, Ragnvald	N - 040	17/3381

Mandat for fellesnemnda for nye Ullensvang kommune

Saka blir avgjort av:

Kommunestyret

Saksutgreiing:

I sak om etablering av ny kommune (sak. 047/17) vert det sett ned fellesnemd for etablering av nye Ullensvang kommune.

Mandat for fellesnemda for Nye Ullensvang kommune skal leggjast fram til politisk godkjenning i Odda kommune, Jondal kommune og Ullensvang heradsstyre.

Mandat for fellesnemda for Nye Ullensvang kommune

1. Formål

Fellesnemda får mandat å førebu kommunesamanslåinga, å sikra nødvendig koordinering/samordning mellom dei tre kommunane i perioden frå felles kommunestyremøtet for dei tre kommunane er helde og fellesnemda formelt vert skipa. Fram til konstituerande møte er helde av det nyvalde kommunestyre.

2. Fellesnemda si samansetjing

Fellesnemda skal ha fylgjande samansetjing, alle representantane valde får dei respektive herads-/kommunestyra:

- 4 representantar frå Jondal
- 6 representantar frå Ullensvang
- 9 representantar frå Odda

Det gir ei fellesnemd med 19 representantar. Nemda vel sjølv leiar og nestleiar (jfr. Inndelingslova §26).

3. Fellesnemnda sine fullmakter

Fellesnemnda har som mål å oppnå konsensus i alle avgjerder/vedtak. Ved usemje skal fellesnemnda vurderer om spørsmålet kan utsetjast til etter at nytt kommunestyre er konstituert. Forhold som likevel vurderast til ikkje å kunna utsetjast, vert avgjort med alminneleg/vanleg fleirtal. Nemda sin leiar (møteleiar) har dobbeltrøyst ved likt røystetal.

Fellesnemnda skal i opne møte planleggja og førebu iverksetjinga av samanslåinga fram til konstituering av nytt kommunestyre i nye Ullensvang kommune. Herunder ligg ikkje styringa av den daglege drifta av dei tre kommunane fram til samanslåingstidspunktet. Det ligg til dei respektive herads/kommunestyra.

Fellesnemnda har ansvaret for å sikra at kommunane i fellesskap legg til rette for god dialog med innbyggjarar, tilsette, næringsliv, lag- og organisasjonar om kva samanslåinga har å seia for dei.

Dette inneber at fellesnemnda:

- a. Gjennomgår, vurderer og avklarar alle prinsipielle tilhøve som gjeld samanslåingsprosessen. Videre kan fellesnemnda fatte vedtak i alle spørsmål som er naudsynt for å etablera den nye kommunen med mindre dette påverkar ein eller fleire av dei eksisterande kommunane. Nemda disponerar eingongstilskotet og reformstøtta frå Staten i samband med kommunesamanslåinga.
- b. Kan inngå avtalar på vegne av den nye kommunen.
- c. Skal handsama sentrale styringsdokument som:

Prosjektplan med framdriftsplan

Budsjett for bruk av eingongstilskotet på 30 millionar fram til 01.01.2020.

Økonomiplan for sjølv gjennomføringa

Omstillingsplaner og planar for overføring av personell

Kommunikasjonsplan (omfattar både internt og eksternt)

Planar for kulturbygging og sosiale aktivitetar

Eventuelt andre dokument som vil vera nødvendig for ansvarleg styring av prosessen

- d. Tek avgjerd i val av hovedmodell for den politiske organiseringa av den nye kommunen. Herunder reglement for dei nye politiske organa, reglement og arbeidsvilkår for dei folkevalde i kommunane.
- e. Skal handsama prosjektleiar si innstilling til hovedmodell for administrativ organisering av den nye kommunen frå 1. januar 2020.
- f. Vedtek kommunevåpen for den nye kommunen.
- g. Har eit spesielt ansvar for å vurderer saker med økonomiske konsekvensar, å førebu budsjett for det første driftsåret etter at samanslåinga er sett i verk (år 2020). Økonomiplan for den fyrste økonomiplanperioden (år 2020–2023).
- h. Kan gje uttale om årsbudsjett samt økonomi- og handlingsplanar for dei tre kommunane.
- i. Skal tilsetja prosjektleiar / rådmann i den nye kommunen, ut frå tilråding frå partssamansett utval.

- j. Skal avklara mynde til prosjektleiar / rådmann i den nye kommunen.
- k. Tek stilling til revisjonsordning for den nye kommunen etter innstilling frå kontrollutvala i dei tre kommunane, og tilset revisor for den nye kommunen.
- l. Skal sjå til at lov og avtaleverk om tilsette og tillitsvalde sin medverknad vert ivaretekne i samanslåingsprosessen.

4. Forholdet til herads/kommunestyra

Kommunane har i perioden fram til 1. januar 2020 ansvar for si ordinære drift, men spørsmål som kan ha konsekvensar for den nye kommunen bør fyrst drøftast i fellesnemnda.

Saker som er til handsaming i kommunane sine ordinære utval og som fellesnemnda meiner kan ha konsekvensar for sammenslåingsprosessen, har fellesnemnda høve til å uttala seg i.

Saker som vedkjem samanslåingsprosessen som er av ein slik art at dei må handsamanst i ein eller fleire herads-/kommunestyra, har fellesnemnda tilrådningsrett overfor herads-/kommunestyra. Dette gjeld særleg tiltak knytta til handlingsprogram/økonomiplan, der investeringar må vurderast særskilt.

5. Arbeidsutval

Det kan setjast ned eit arbeidsutval for fellesnemnda. Arbeidsutvalet bør ha innstillingsmynde til nemnda. Det midlertidige arbeidsutvalet held fram sitt arbeid inntil fyrste fellesnemndsmøte.

6. Partssamansett utvalg

Partssamansett utval underlagt fellesnemnda skal ha tre politisk valde representantar frå kvar kommune, vald frå medlemmene i fellesnemnda, samt to tillitsvalde frå kvar kommune.

Utvalet skal handsama saker som gjeld tilhøvet mellom den nye kommunen som arbeidsgjevar og dei tilsette.

Utvalet skal uttala seg i saker som gjeld overordna personalpolitiske spørsmål, retningslinjer og planar i samband med kommunesamanslåinga.

Partssamansett utval skal handsama prosessen for tilsetjing av prosjektleiar og ny rådmann. Tillitsvalde skal inkluderast på ein god måte.

7. Delegering

Fellesnemnda kan gje arbeidsutvalet og/eller administrasjonen fullmakt til å gjere vedtak i enkeltsaker eller i saker som ikkje er av prinsipiell karakter.

8. Saksførebuing

Prosjektleder / ny rådmann førebur saker til fellesnemda sitt arbeidsutval.

Arbeidsutvalet innstille i saker til fellesnemda.

Rådmennene i dei tre kommunane og prosjektleder har møte- og talerett i fellesnemda.

9. Funksjonsperiode

Fellesnemda konstituerer seg sjølv og vel leder og nestleder.

Fellesnemda sin funksjonsperiode varer fram til konstituering av kommunestyret i nye Ullensvang kommune.

Leiaren av fellesnemda kallar saman det nyvalde kommunestyret til konstituerande møte.

Leiaren av fellesnemda leier møtet fram til ny ordfører er vald.

10. Interkommunalt samarbeid

Fellesnemda kan fremja innstilling overfor kommunestyra om det er behov for å gjera endringar i interkommunale samarbeid fram mot samanslåingstidspunktet.

Tilråding frå rådmann:

Jondal kommunestyre vedtek mandat for fellesnemda for nye Ullensvang kommune.

Reidar Isdal – rådmann

28.08.2017 Kommunestyret

Røysting:

Tilrådinga frå rådmannen vart samrøystes vedteke.

KS- 048/17 Vedtak:

Jondal kommunestyre vedtek mandat for fellesnemda for nye Ullensvang kommune.